

1. <離騷經>

屈 原

朱文公曰 原名平 與楚同姓 仕於懷王爲三閭大夫 上官大夫及靳尚妬毀之 王疏
原 原被讒 憂煩乃作離騷 上述唐虞三后之制 下序桀紂羿澆之敗 冀君覺悟反於
正道而還已也 是時秦使張儀詐懷王誘與會武關 原諫王勿行 弗聽而往 爲所脅
歸卒以客死襄王立 復用讒 遷原江南 原復作九歌·天問·九章·遠遊·卜居·漁父等篇
冀伸已志 以悟君心 終不見省 不忍見宗國將亡 遂自沈汨羅淵死 淮南王安曰 國
風好色而不淫 小雅怨誹而不亂 若離騷者可謂兼之矣 蟬蛻於濁穢之中 以浮游塵
埃之外 推此志也 雖與日月爭光可也 宋景文公曰 離騷爲詞賦之祖 後人爲之如
至方不能加矩 至圓不能過規矣